

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Submisaun ba Komisaun A Parlemantu Nasionál Timor-Leste

Kona-ba Projecto de Proposta de Lei Poder Lokál no Desentralizasaun Administrativa

Forum Organizasaun Naun-Govermental Timor-Leste (FONGTIL) realiza konsulta pública ba membru FONGTIL sira durante loron 2 nia laran, 7 Abril no 13 Abril 2016 kona ba Esbosu Lei Podér Lokál no Desentralizasaun Administrativa. Tabela tuir mai mak nu'udar rekomendasaun sira ne'ebe FONGTIL no nia membru organizasaun hamutuk 31 tau hamutuk hodi entrega ba Komisaun A Parlemantu Nasionál atu konsidera.

Artigu/Títulu	Preokupasaun/Asuntu	Rekomendasaun
Termu sira uza iha Esbosu Lei ne'e, izemplu mák Títulu IV	Preukupa kona-ba utilizasaun termus. Laiha definisaun ka esplikasaun kona-ba termus sira iha pájina permeiru atu lee na'in sira bele intende termus sira iha Esbosu Lei ne'e laran. Tamba sa mák husi títlu I to'o III la iha liafuan kapítlu ho seksaun maibe, liafuan sira ne'e mosu hahu Artigu 36 iha Títulu IV ?	Tenke iha konsistensia uza termu kona-ba títulu, kapítulu no seksaun (Presiza iha esplikasaun ba termu sira ne'ebé refere, no tamba sa mák iha parte balun iha no parte balun laiha?). Presiza mós iha tabela no kontéudu iha pájina permeiru atu fasilita lee na'in sira.
Espozisaun motivu Iha Espozisaun Motivun nian temi kona ba "Ho estabelesimentu ba podér lokál ne'e, Estadu buka promosaun ba koezaun ekonómika, sosiál no territoriál husi ita nia País liu husi involvimentu no partisipasaun ativa husi sidadaun hotu-hotu iha prosesu dezvoltamentu lokál no nasionál.	Seidauk konsidera asuntu IGUALDADE JÉNERU no INKLUZIVU SOSIÁL nu'udar sentru importante ida iha substánsia Lei Podér Lokál e Desentralizasaun Administrativa. Inkluzasaun Sosiál katak atu asegura partisipasaun ema ho difisiensia iha Desentralizasaun Administrativa.	Kria paragrafu ida iha espozisaun motivus kona-ba ' preukupa ' ba asuntu des-igualdade iha prosesu no podér foti desizaun iha estrutura Administrativa no konsiderasaun ba asuntu INKLUZIVU sosiál hatama iha Espozisaun Motivun .
Espozisaun motivu	Seidauk iha espozisaun motivus iha paragrafu ruma mák esplika kona-ba ligasaun no separasaun podér entre	Kria paragrafu ruma hodi justifika kona-ba aplikasaun ligasaun no separasaun poder relasiona ho

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili / Mobile Phone 77252780/7723678782 / arsen_ctl@yahoo.com.au / freitas_nono@yahoo.com

Artigu/Títulu	Preokupasaun/Asuntu	Rekomendasaun
	Podér Lokál no Desentralizasaun Administrativu ho Rejiaun Administrativa Espesial Oecusse-Ambeno . Tamba ne'e iha implikasaun ba gastus Orsamentu Estadu.	Rejiaun Administrativa Espesial Oecusse-Ambeno.
Artigo 20,21,22,23,24,25,26,27,28,29,30,31,32,33,34. Artigu hirak iha leten ne'e ko'alia kona-ba atribuisaun no Kompetensia Munisipiu nian.	Seidauk asegura atribuisaun no kompetensia sira ba Munisipiu atu promove no implementa politika abordazem integradu jeneru iha orgaun Munisipal, INKLUZIVU sosial no ema peritus sira.	Presiza iha konsiderasaun ba iha 1) Igualdade Jeneru no INKLUZIVU Sosial. 2) Ema peritus iha atribuisaun no kompetensia Munisipiu nian iha Artigu 20,21,22,23,24,25,26,27,28,29,30,31,32 no 32.
Artigo 26: g Ko'alia kona-ba jestaun ekipamentus Be'e Manas Munisipiu nian.	Iha versikulu (g) ba Artigu 26 ne'e la esplika ho klaru no halo lee na'in sira no sidadaun barak mak konfundi ho nia sentidu. Tamba sa mak foka de'it ba jestaun ekipamentu be'e manas, oinsa ho jestaun ekipamentu saude sira seluk hanesan jestaun ekipamentu oksigen, jestaun ekipamentu koko fuan, jestaun ekipamentu hamos ran no seluk-seluk tan.	Tenke uza linguazen ne'ebé fasil ba ema hotu bele kompriende. Izemplu iha Artigu 26, versikulu (g) ne'ebé mensiona katak ekipamentus be'e manas nia sentidu klót liu. Di'ak liu uza termu 'ekipamentu saude' de'it nune'e inklui buat hotu iha laran ona.
Artigo 28 koalia kona-ba kompetensia Munisipiu nian ba Edukasaun no Formasaun.	Artigo 28: 1 – 3 ne'e la mensiona kona-ba kompetensia Munisipiu nian ba Ensinu Sekundariu no Ensinu Superiór.	Persiza aumenta Alinea foun ida kona-ba Ensinu Sekundaria no Ensinu Superiór iha nivel Munisipiu hodi kompleta ba Artigo 28.
Artigo 37: 1 (A – D). Izemplu iha sub-Alinea D hateten katak membru sanulu resin tolu, iha Munisipiu sira ho eleitór ne'ebé lato'o 50.000, iha área Munisipiu.	Kompozisaun Assembleia Munisipal mensiona iha sub-Alinea sira ne'e la ko'alia klaru kona-ba representate Jeneru. Ida ne'e diskriminasaun ida ba feto no la refleta prinsipiu demokrásia inklusivu.	Presiza aumenta alinea foun ida ka aumenta liafuan iha Artigu refere hodi temi kona ba asuntu kompozisaun Assembleia Munisipal bazeia ba Jeneru.
Artigo 37: 2 "Hola parte iha Assembleia Munisipal, maibe laiha direitu atu vota, membru nian lima	Artigo 37: 2 kontra Konstituisaun RDTL Artigu 46, versikulu 2 ne'ebé hateten katak sidadaun hotu-hotu iha	- Representate Antigu Kombatente iha Assembleia Munisipal tenke tuir prinsipiu

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
<p>nomeadu husi organizasaun representativa sira husi Antigu Kombatente husi Libertasaun Nasionál, ho nia responsabilidade.</p>	<p>direitu atu partisipa, husi nia rasik eh/ka liu husi representante ne'ebe hili tiha ona tuir demokrásia, ba vida politika no ba asuntu públiku nian iha rai laran. Ne'e signifika katak tenke liu husi prosesu eleisaun. Representante Antigu Kombatente nain lima tuur iha Assembleia Munisipal iha nivél Munisípiu nomeia de'it, ne'e halo hodi la tuir ona dalan demokrátiku.</p> <ul style="list-style-type: none"> - Hare ba polítika iha longu prazu representate Antigu Kombatente sei la sustentável tamba número Antigu Kombatente sei menus ba beik-beik no ikus liu sei lakon. 	<p>demokrásia ne'ebé refleta iha Artigu 36 katak eleisaun ba Asembleia Munisipál tenke ho sufrájiu, universál, diretu, sekretu no periódiku.</p> <ul style="list-style-type: none"> - Atu tetu didi'ak, presiza duni fo fatin espesial ba Representasaun Antigu Kombatente Libertasaun Nasionál ka lae?
<p>Artigu 40 kona-ba Renúnsia ba mandatu</p>	<p>Laiha esplikaun klaru no espesífiku kona ba oinsá atu ezejuta prosesu substituisaun ba Deputadu Munisípiu ni'an wainhira iha reúnzia ba mandatu.</p>	<p>Presiza define iha Artigu ida, prosesu renúnsia ba mandatu no mos hare kona ba prosesu substituisaun. Presiza mós iha regras/kriteria Assembleia Munisípiu ne'ebé klaru kona-ba substituisaun atu prevene konflitu de interese entre deputadu iha Assembleia Munisipál sira iha kada munisípiu. Tenke asegura prosesu substituisaun ne'e la'o tuir méritu no nakloke ka transparente ba membru hotu ne'ebé iha kapasidade atu kompete.</p>
<p>Artigu 41. kona ba suspensaun ba mandatu maibé kontéudu foka liu kona-ba lisensa ba funsionáriu Munisípiu nian.</p>	<p>Artigu 41:3 (a) ho (b) kona-ba lisensa no direitu funsionáriu feto (maternidade) no mane (paternidade) no direitu funsionáriu nian wainhira hetan moras. La'os koalia kona ba suspensaun. Tamba ne'e, siosidade</p>	<p>Títulu ba artigu refere la kondiz ho versikulu 3, tamba alinea refere konsidera hanesan direitu ba ema hotu atu hetan lisensa, hanesan ezemplu: lisensa maternidade no</p>

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
	sivil preukupa oituan ho Artigu ne'e se karik la define nia diferensia entre suspensaun ho lisensa.	moras. Tamba ne'e sosiedade sivil sujere para hasai tiha versíkulu 3 husi Artigu 41 ka kría Alinea foun ida kona ba diretu lisensa ba funsionáriu sira.
Artigu 45: (a to'o h ko'alia kona-ba 'dever sira husi Deputadu Munisípiu nian'.	Entre dever hotu ne'ebé temi, la inklui dever hodi halo fiskalizaun ba projetu sira iha nivel munisípiu. Se la asegura prosesu fizkalizasaun iha Artigu ne'e, entaun ne'e bele signifika katak Deputadu sira laiha dever hodi halo fiskalizaun ba projetu iha nivel Munisípiu. Oinsa ita bele asegura efetividade no efikasiasaun servisu projetu iha Munisípiu? Oinsa autoridade munisípiu sira hatene kona-ba rezultadu projetu ida hetan susesu ka lae? no dezafiu saida mak sira infrenta atu bele hadi'a liu tan projetu Munisípiu sira iha futuru?.	<ul style="list-style-type: none"> - Aumenta Artigu foun ida kona ba 'dever husi Deputadu Munisípiu atu halo fiskalizaun ba projetu hotu iha nivel Munisípiu hodi asegura servisu projetu ho efetividade no efikasiasaun. - Tenke aumenta Alinea foun ida kona-ba planu trimestral Deputadu Munisipal nian hodi halo sorumutu ofisial ho comunidade no sosiedade atu rona sira nia preokupasaun no problema sira iha baze.
Artigu 46: 1 hateten katak Deputadu Munisípiu sira ne'ebé eleitu husi kada partidu ka koligasaun partidu sira bele asosia-aan atu harii Munisipal sira, tuir lei no rejimentu.	Iha ne'e termus asosia-aan la esplika halo klaru entaun ema bele interpreta katak desde Depuadu sira hili husi partidu politiku, influencia politiku bele sai bareira ba prosesu dezvoltamentu Munisipal.	Presiza esplikaun ba liafuan asosia-aan relasiona ba Deputadu ne'ebe hili husi partidu politiku.
Artigu 46: 4 hateten katak 'Deputadu Munisipal sira ne'ebé la hola parte iha grupu munisipal hala'o ninia mandatu nu'udar Deputadu Munisipal independente'.	Iha artigu ne'e laiha esplikaun kona-ba diferensia responsabilidade entre Deputadu partidu ho Deputadu independente. No mós iha konfuzoan entre Deputadu rua ne'e katak Deputadu partidu ne'ebé nomea husi partidu mak konsidera hanesan Deputadu independente ka, oinsa?	Alinea ne'e presiza hare kona ba konteudu Deputadu Munisipal eleitu husi partidu, husi koligasaun no mos no Deputadu Munisipal independente atu nune'e labele halo konfuzoan. Izemplu, Deputadu Munisipal sira ne'ebé la hola parte iha grupu Munisipal

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
	Saida mak dever Deputadu eleitu husi partidu halo no dever saida mak Deputadu independente halo?	hala'o ninia mandatu nu'udar Deputadu Munisipál independente.
<p>Artigu 48: 2 hateten katak Meza Assembleia Munisipál nian ne'e kompostu husi Prezidente ida no Sekretáriu rua ne'ebé eleitu husi votu sekretu husi Deputadu Munisipál, hafoin verifikasaun kona ba identidade no lejitimidade husi eleitu sira, no prosesu eleisaun garante husi ema sira ne'ebé hala'o servisu instalasaun ba Assembleia Munisipál foun.</p>	<p>Ami nia preokupasaun mák Sekretáriu nain rua ne'e la mensiona kona-ba igualdade jéneru. Ami tau atensaun boot tebes hodi promove igualdade jéneru iha nível musipiu, maibé, iha Artigu ne'e lako'alia espesifiku kona-ba sexo ne'ebé sei hili husi Deputadu Munisipiu nian asumi pozisaun Sekretáriu Assembleia Munisipál.</p>	<p>1. Ami propoin para hili Sekretáriu nian rua ne'e bele feto 1 no mane 1 nu'udar Sekrtáriu Assembleia Munisipál. Ida ne'e sai nesesidade importante ida atu asegura promosaun ba igualdade jéneru iha nível munisipál no mós bele hametin liu tan koordenasaun no servisu hamutuk entre sexo diferente.</p> <p>2. Husu ba partidu sira ne'ebe mák hetan asentu iha Assembleia Munisipiu tenke fó konsiderasaun ba igualdade jéneru ba kompozisaun iha Meza Assembleia Munisipiu.</p>
<p>Artigu 50: 6 hateten katak Prezidente Meza Assembleia Munisipál bele delega ninia kompeténsia ba Sekretáriu Meza Assembleia Munisipál liu husi despaixu ne'ebé tau iha quadru avizu.</p>	<p>Delegasaun kompeténsia ne'e importante liu iha organizasaun ida. Se karik delegasaun husi Prezidente Meza Assembleia ba nia Sekretáriu liu husi despaixu, atu kompleta liu tenke mós tau iha versikulu 6 ne'e kona-ba despaixu eskrita hodi haforsa lejitimidade ba delegasaun refere.</p>	<p>Ami so sujere de'it atu haforsa liu tan delegasaun kompeténsia ne'ebé hakerek iha Artigu 50: 6 ne'e katak delegasaun ne'e tenke liu husi despaixu ho eskrita oficial.</p>
<p>Artigu 67: 1 (a – e) ko'alia kona-ba kompozisaun Konsellu Konsultivu Munisipál.</p> <p>Iha Artigu 67: 1 (e) ko'alia kona-ba "Reprezentante sira husi</p>	<p>- Iha kompozisaun ba Konsellu Konsultivu Munisipál nian ne'e, ami preukupa oituan tamba laiha representate husi sosiadade sivil, organizasaun ema ho defisiensia, akademika no representate grupu relijioza. Desde organizasaun sira</p>	<p>- Ami sujere atu kria ka aumenta tan Alinea ida iha Artigu 67 kona-ba representate sosiadade sivil, organizasaun ema ho defisiensia, akademika ho Igreja ba iha Konsellu</p>

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
organizasaun defeza ba sidadaun sira ho nesesidade espesial”.	<p>ne'e hala'o papel importante ba desenvolvimentu ekonomia no politik rai laran, ami hanoin sira nia prezensa mós esensial ba iha Konsellu Konsultivu Munisipál.</p> <p>- Termu '<i>sidadaun sira ho nesesidade espesial</i>' ne'e signifika saida? Iha interpretasaun oi-oin mak bele mosu, nee signifika ema ho defisiensia, oan ki'ak sira, feto faluk sira ka se?</p>	<p>Konsultivu Munisipál nian hodi fó sira nia kontribuisaun ba iha desenvolvimentu nivél munisipál.</p> <p>- Presiza define ho klaru termu 'ema ho nesesidade espesial' iha ezbosu lei ne'e atu labele kria konfuzasaun.</p>
Artigu 74:1 (m) hatete katak Prezidente Munisípiu nia kompeténsia atu aprova dokumentu hirak ne'ebé refere ba projetu, programa kona-ba konkursu, kadernu enkargus no adjudikasaun kona-ba obra no akizisaun ba bein no servisu sira.	Presiza define ho klaru projetu saida mák Prezidente Munisípiu bele aprova nia dokumentu. Bele fó dalan ba Prezidente atu halo abuzu de poder se la liu husi Assembleia Munisipál no se la defini ho klaru tipu projetu no montante orsamentu hira mák Prezidente Munisípiu bele aprova nia dokumentu antes prosesu implementasaun.	Antes aprova dokumentau projetu nian, Prezidente Munisípiu presiza apresenta no diskute iha iha Meza Plenária iha Assembleia Munisipál no aprova husi Assembleia Munisipál molok Prezidente aprova.
Artigu 75:1 hateten katak Prezidente Munisípiu bele delega kompeténsia hirak ne'ebe defini iha alinea a), f), g), i), v), w), bb), no ee) husi versikulu 1 husi Artigu anterior ba Sekretáriu Munisipál.	Delegasaun Kompeténsia Prezidente Munisípiu ba Sekretáriu Munisípiu prevee iha Artigu 75.1. iha kompeténsia balun mák Prezidente lolos labele delega ba Sekretáriu Munisípiu tamba ne'e sei prejudika tebes ba prosesu servisu Munisípiu nian. Pontu ne'ebe labele degela mák hanesan iha Artigu 74.1 (a) : ezekuta no hare ba kumprimentu husi deliberasaun husi Assembleia Munisipal), (i : Autoriza pagamentu ba despezas sira ne'ebé iha tuir kondisaun legal), (v : representa Munisípiu iha Tribunál no iha liur, hatama prosesu ba defeza, bele halo konfuzasaun, deziste,	Pontu ne'ebe labele degela mák hanesan iha Artigu 74.1 (a) : ezekuta no hare ba kumprimentu husi deliberasaun husi Assembleia Munisipal), (i : Autoriza pagamentu ba despeza sira ne'ebé iha tuir kondisaun legal), (v : representa Munisípiu iha Tribunál no iha liur, hatama prosesu ba defeza, bele halo konfuzasaun, deziste, submete karik liha ofensa ba direitu husi parte seluk nia).

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
	submete karik laiha ofensa ba direitu husi parte seluk nia).	
Iha Artigu 75:1 hatete katak “ Prezidente Munisípiu bele delega kompeténsia hirak ne’ebé define iha alínea a), f), g), h), i), v), w), y), bb) no ee) husi n. ° 1, husi artigu anteriór, ba Sekretáriu Munisipál.	Alinea (ee) la ezisti iha Artigu 74:1 husi Ezbosu Lei ne’e.	Halo redasaun foun hodi hasai tiha alínea (ee) “Prezidente Munisípiu bele delega kompeténsia hirak ne’ebé define iha alínea a), f), g), h), i), v), w), y) no bb) husi n. ° 1, husi artigu anteriór, ba Sekretáriu Munisipál”
Artigu 93:2 hateten katak ‘Durante hala’o ninia mandatu titulár sira husi órgaun munisipál labele hetan prejuizu kona-ba promosaun, konkursu, regalia, gratifikasaun, benefisiu sosiál ka direitu seluk ne’ebe hetan ho karáker la pekuniáriu.’	La define ho klaru saida mák signifika ho benefisiu sosiál ka direitu seluk . Se titulár sira mák nu’udar ema veteranu aktivu no simu hela benefisiu kada fulan, no iha tempu hanesan nia mós nu’udar deputadu Assemblia Munisipál ka Prezidente Munisípiu, oinsá sira nia pozisaun?	Iha Artigu 93:2 ne’e presiza defini ho klaru kona-ba asuntu benefisiu sosiál ka direitu seluk . Ezbosu Lei ne’e labele abstratu, tenke klaru.
Artigu 97 Ko’alia kona-ba Direitu Informasaun.	Temi de’it oinsa titulár ba direitu opozisaun sira atu hetan informasaun maibé la temi oinsa sidadaun sira nia direitu atu asesu ba informasaun.	Atu amenta tan Artigu foun ka Alinea foun ida hodi asegura sidadaun sira nia partisipasaun liu husi asesu ba informasaun ne’ebé adekua ho loloos no momoos.
Artigu 103 temi katak Munisípiu sira iha sira nia servisu administrátivu, ne’ebe nia organizasaun, estrutura no funsionamentu tenke orienta husi prinsípiu unidade no efikásia husi asaun, aproximasaun servisu ba sidadaun sira, habadak burokratizasaun, rasionalidade husi meius no efisiénsia iha alokasaun husi rekursu públiku sira, hadi’a kuantidade no qualidade husi servisu	Laiha mekanizmu ida ne’ebé klaru atu garantia transparansia, akuntabilidade no mos partisipasaun sidadaun iha prosesu servisu Munisipál sira.	Presiza kria/hamosu Artigu ida ka Alinea ida kona-ba mekanizmu atu garantia sidadaun sira nia partisipasaun, transparansia no akuntabilidade iha servisu Munisípiu nian.

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
<p>ne'ebé fo no garante sidadaun sira nia partisipasaun.</p>		
<p>Artigu 109 ko'alia kona-ba Inspesaun Munisipál.</p>	<p>Maske define ho klaru ona karak Inspesaun Munisipal mak servisu internu husi Administrasaun Munisipal. Maibé oinsa atu aseguru servisu Munisipal la'o tuir prinsipiu fundamental katak transparansia, akuntabilidade no partisipasaun komunidadade se laiha inspesaun eksternal ne'ebé independente?</p>	<p>Presiza kria Orgaun Independente ida hodi halo inspesaun iha nivél Munisípiu liu husi Orgaun Auditoria Sosiál forma husi Sociedade Sivil sira no representante husi Konsellu Konsultivu Munisipál.</p>
<p>Artigu 111. Postu Adminsitrátivu sira</p>	<p>Presiza defini ho klaru oinsa atu garante sidadaun sira nia partisipasaun no mos oinsa fo dalan hodi Komunidadade sira hato'o sira nia opiniaun direta ba Postu Administrativu no Prezidente Munisípiu?</p> <p>Iha artigu ne'e prevee de'it mak oinsa Parte Postu Adminsitrátivu mak sei Konsulta bebeik ho Komunidadade, maibé la temi oinsa se Komunidadade mak hakarak konsulta ba Postu Adminsitrátivu, no se Komunidadade presiza diskute direta ho prezidente</p>	<p>Presiza kria Artigu ida hodi define dalan ba Komunidadade atu konsulta no diskute direta Postu Adminsitrativu no mos ho Prezidente Munisípiu no Assembleia Munisipál nia membru sira.</p>

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
	munisípiu no membru Assembleia munisipál, ne'e la prevee iha esbosu lei ne'e. Entaun ne'e halo prosesu partisipasaun no foti desizasaun sei nafatin dook husi povu. Kontrariu tebes ho Expozisaun Motivu ne'ebé dehan katak "partisipasaun ativa husi sidadaun hotu-hotu iha prosesu dezentovimentu lokál no nasional."	
Artigu 111: 2 (d) hateten katak Postu Admistrativu 'fó hatene bei-beik ba Prezidente Munisípiu, liu husi Sekretáriu Munisipál , kona-ba situasaun sosiál no ekonómika husi populasaun no comunidade iha sira nia territóriu nia laran'.	Tamba saida mák Postu Admistrativu la fo hatene direta ba Prezidente Munisípiu, maibe tenki liu husi Sekretariu Munisípiu?	- Atu halo mudansa ba Artigu 111:2 (d) hodi hasai tiha liafuan liu husi Sekretáriu Munisipál no hamosu redasaun foun "Fó hatene bei-beik ba Prezidente Munisípiu kona-ba situasaun sosiál no ekonomia husi populasaun no comunidade iha sira nia teritória nia laran".
Artigu 114 Pessoal Dirijente.	La define ho klaru oinsa prosesu hetan pessoal dirijenti sira ne'e? Iha Artigu ne'e mos la define kona-ba Pessoal Dirijente nia kapasidade tamba ne'e bele mos loke dalan ba nomeasaun política ne'ebé laiha kapasidade rekursu humanu.	Presiza identifika ho klaru ba prosesu hili Pessoal Dirijente ne'ebé iha kapasidade atu labele fo espasu ba Korupsaun Kolusaun no Nepotizmu (KKN).
Kapitulu III Gabinete Apoio Pessoal no Kapitulu IV Gabinete Apoio Tékniku.	Iha esbosu lei ne'e la define ho klaru deskrisaun servisu ne'ebé mák gabinete sira ne'e presiza halo. Klaru katak sira presiza fo apoiu, maibé presiza temi sira nia kna'ar ruma.	Presiza define ho klaru kna'ar husi Gabinete Apoio Pessoal no Gabinete Apoio Tékniku.
Artigu 115 no 116 no 117 kona-ba Gabinete Apoio Pessoal.	Sei liu husi Nomesaun de'it, maibe presiza defini kritéria ruma no bazeia ba padraun legal ruma atu nomeia	Presiza defini ho klaru kritéria ba pessoal sira neebe mak sei tuur iha Gabinete Apoio Pesoál.

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Títulu	Preokupasaun/Asuntu	Rekomendasaun
	ema sira ne'e. Presiza iha rekursu humanu ne'ebé qualidade atu tuur iha kargu sira ne'e.	
Artigu 123:3 hateten katak Munisípiu sira hala'ó sira nia autonomia finanseira no patrimonial tuir defini iha Lei Finansas, Patrimoniu no Aprovizionamentu Munisipál.	Presiza públika esbosu Lei ne'e hodi nune'e Sociedade Sivil sira bele halo analiza ba Esbosu Lei Finansa, Patrimoniu no Aprovizionamentu Munisipál. To'ó ohin loron Sociedade Sivil seidak asesu ba esbosu Lei refere.	Presiza halo Esbosu Lei sira ne'e asesivel ba públiku nu'udar pakote ida, atu Sociedade Sivil sira bele halo análise integradu ida ba asuntu kona-ba esbsu Lei Desentralizasaun.
Artigu 126 ko'alia kona-ba relatóriu atividade no konta husi jerénsia.	La prevee oinsa públika bele asesu ba relatóriu atividade no konta husi jerénsia.	<ul style="list-style-type: none"> - Presiza halo relatóriu ne'e asesivel ba públiku sira iha jerál. - Presiza kria Pájina Governu online ida iha kada munisípiu no taka iha kadru avizu Munisípiu nian atu sidadaun hotu bele iha asesu ba informasaun jerál sira.
Artigu 156: 2 hateten katak 'Liu husi proposta husi Konsellu Administrasaun ba Assembleia Jerál bele estabelese remunerasaun ka gratifikasaun ida ba Sekretáriu Ezekutivu, tuir funsaun ezekutiva maibé labele iha kazu ruma liu remunerasaun husi Sekretáriu Munisipál.	Iha Esbosu Lei ne'e la define kona ba Sekretáriu Ezekutivu nia kna'ar ho espesífiku.	Tenke define klaru Sekretáriu Ezekutivu nia kna'ar no responsabilidade ne'ebé espesífiku.
Artigu 70: d ko'alia kona-ba kontratasaun ba impréstimu sira tuir lei. No mos Artigu 159: 1 (e) koalia kona-ba produhu husi impréstimu ne'ebé halo tuir prevee iha Artigu 21 , husi	Iha Lei ne'e fo dalan ba Munisípiu atu halo kontratasaun imprestímu, ne'e significa katak iha futuru sei fo impaktu ba comunidade bele sai ki'ak no mokit wainhira Munsipiu laiha forsa atu selu fila fali.	Halo alterasaun ba Artigu 70: d kona-ba kontratasaun ba impréstimu sira tuir Lei no Artigu 159: 1(e) .

FORUM ONG TIMOR LESTE

THE TIMOR LESTE NGO FORUM



Rua do Mercado Municipio, Dili /Mobile Phone 77252780/7723678782 /arsen_ctl@yahoo.com.au/ freitas_nono@yahoo.com

Artigu/Titulu	Preokupasaun/Asuntu	Rekomendasaun
<p>Lei No, 13/2009 (koalia kona ba Orsamentu no Jestaun Finanseira, loron 21 fulan Outubru).</p>		
<p>Artigu 164:3 hateten katak Asosiasaun Munisípiu sira bele hala'ó kontratasaun individual ba Pesoál Tékniku no Jestaun.</p>	<p>Tenke define númeru Pesoal Tékniku ne'ebé refere no define ho klaru oinsa atu asegura prosesu rekizasaun no destakamentu ba pesoal tékniku hodi nune'e labele kria nepotizmu iha prosesu ne'e.</p>	<p>Presiza defini ho klaru numeru pesoal tékniku no jestaun iha kada Asosiasaun Munisípiu.</p> <p>Presiza define ho klaru kona-ba prosesu rekizasaun no destakamentu ba Pesoal Tékniku no Jestaun.</p>

Rekomendasaun sira ne'e prepara no asina husi organizasaun membru Forum Organizasaun Naun-Govermental Timor-Leste (FONGTIL) hanesan aneksu iha Lista Prezensa ba Konsulta Públika iha loron 7 Abril no 13 Abril 2016.